



ՄԱՅՐ ԱԹՈՌՈՒՄ

Նոյեմբերի 8-ին, կիրակի, Մայր Տաճարում պատարագեց և քարոզեց հոգեշնորհ Տ. Գևորգ արքեպիսկոպոս Սերապիդայանը՝ «Մի՛ երկընչիր, միայն հաւատա» բնաբանով։ Սուրբ պատարագին ներկա էր Վեհափառ Հայրապետը։

Նոյեմբերի 14-ին, շաբաթ առաւոտյան, Մայր Տաճար այցելեց Աֆրիկա-ասիական համերաշխության կոմիտեի պատվիրակությունը, կիբանանի պառլամենտական ղեկավարներից մեկի՝ Զամալ Զումբաթի գլխավորությամբ։ Վերջում հարգելի հյուրերին ընդունեց Ամենայն Հայոց Վեհափառ Հայրապետը։

Նոյեմբերի 15-ին, կիրակի, Մայր Տաճարում պատարագեց և քարոզեց արժանապատիվ Տ. Հովհաննես քահանա Մարությանը՝ «Եթէ ոք այսպիսի մանկուտյ ընկալցի յանուն իմ, զիս ընդունի» բնաբանով։ Սուրբ պատարագին ներկա էր Վեհափառ Հայրապետը։

Նոյեմբերի 19-ին, հինգշաբթի, Հոգևոր Ծեմարանի հանդիսատահում, Մայր Աթոռի միաբանության և Ծեմարանի ուսանողության համար դասախոսեց Արտաշես Վրույրը՝ Անիի պատմական հուշարձանների մասին։

Նոյեմբերի 20-ին, ուրբաթ, Մայր Աթոռ Ս. Էջմիածին ժամանեց Ռումինիայի և Բուլղարիայի հայոց բարեջան առաջնորդ հոգեշնորհ

Տ. Տիրայր վարդապետ Մարտիկյանը, իր-արձակուրդից Մայր Աթոռում և իր ծնողների մոտ անցկացնելու համար։

Նոյեմբերի 21-ին, շաբաթ, «Ընծայումն Ս. Աստուածածնի, Մայր Տաճարում պատարագեց հոգեշնորհ Տ. Խորեն վարդապետ Էլշուլյանը։

Նոյեմբերի 22-ին, կիրակի, Մայր Տաճարում պատարագեց արժանապատիվ Տ. Հակոբ քահանա Հակոբյանը։

Սուրբ պատարագին ներկա էր Վեհափառ Հայրապետը։

Նոյեմբերի 26-ին, հինգշաբթի, Մայր Աթոռ ժամանեց, թեմական գործերով, Վրաստանի հայոց առաջնորդ գերաշնորհ Տ. Կոմիտաս եպիսկոպոս Տեր-Ստեփանյանը։

Նոյեմբերի 28-ին, շաբաթ, «Տօն սրբոց առաքելոցն և առաջին լուսաւորչացն մերոց Թադէոսի և Բարթողիմէոսի»։ Մայր Տաճարում պատարագեց արժանապատիվ Տ. Մկրտիչ ավագ քահանա Մկրտչյանը։

Նոյեմբերի 30-ին, երկուշաբթի, Իջման Ս. Սեղանի վրա, եպիսկոպոսական իր անդրանիկ պատարագը մատուցեց Տ. Վահան եպիսկոպոս Տերյանը և քարոզեց «Քաջալերեցարուբ, ես եմ, մի՛ երկնջիք» բնաբանով։

**

Դեկտեմբերի 2-ին, չորեքշաբթի, Երևանում, արվեստի աշխատողների տանը, տեղի ունեցավ խաղաղության պաշտպանության ռեպուբլիկական կոմիտեի ընդլայնված նիստը՝ նվիրված խաղաղության միջազգային շարժման 15-րդ տարեդարձին։ Նիստին մասնակցում էր նաև Վեհափառ Հայրապետը, որը հանդես եկավ խաղաղության նվիրված ճառով։ Նիստում ելույթներ ունեցան նաև խաղաղության պաշտպանության ռեպուբլիկական կոմիտեի նախագահ, գրող Ն. Զարյանը, Հայկական ՍՍՌ գիտությունների ակադեմիայի նախագահ, ակադեմիկոս Վ. Համբարձումյանը, Արգենտինայի խաղաղության պաշտպանության կոմիտեի անդամ է. Հուլիո Յոկկոն, գրող Խ. Գյուլնազարյանը և ուրիշներ։

**

Դեկտեմբերի 3-ին, հինգշաբթի, Մայր Տաճար այցելեց Արգենտինայի խաղաղության պաշտպանության ազգային կոմիտեի պատվիրակությունը, կազմակերպության նախագահ Սոլսես Գերշմանիի գլխավորությամբ։ Հյուրերին ընդունեց Ամենայն Հայոց Վեհափառ Հայրապետը։

**

Դեկտեմբերի 6-ին, կիրակի, Մայր Տաճարում իր անդրանիկ պատարագը մատուցեց գերաշնորհ Տ. Տիրայր եպիսկոպոս Մարտիկյանը և քարոզեց՝ «Ուխտս դիք և կատարեցէք» բնաբանով։

Սուրբ պատարագին ներկա էր Վեհափառ Հայրապետը։

